



Inuussutissarsiornermut Suliffeqarnermullu Naalakkersuisoqarfik

Naalakkersuisoq

Landsstyremrådet for Erhverv og Arbejdsmarked

Landsstyremedlemmet

Ministry of Industry and Labour

The Minister

Inatsisartuni ilaasortaq Agathe Fontain, Inuit Ataqtigiit

Asasara Agathe Fontain

Naalakkersuisunut apeqquteqaateqarlutit inuussutissarsiutinik siuarsaanermut illumut Nutaaliorfimmum Sisimiuniittumut ingerlatsinerumut tapiissutit unitsinneqarnerannut tunngavigineqartut pillugit paasiniaavutit.

Eqqorpoq, Inuussutissarsiornermut Suliffeqarnermullu Naalakkersuisoqarfik december 2008-mi illunut nutaaliorfimmum nalunaaruteqarmat, ingerlatsinerumut tapiissutit 1. juli 2009-mi atuutilersumik atorunnaarsinneqassasut. Ajuusaarnartumik inuussutissarsiutit siuarsarneqarnissaannut Namminersornerullutik Oqartussat tapiissutaat 2005-mili ingerlatsinerumut taamaallaat atorneqartarsimapput, inuussutissarsiornerup siuarsarneqarnissaanut atorneqaratik, tamannarpiarlutit tunngavigalugu Inuussutissarsiornermut Suliffeqarnermullu Naalakkersuisoqarfiup aqqiivigineqartariaqartutut naliligaa.

Tunuliaqutaasoq

Ukioq 2004-mi danskit naalakkersuisuisa aammalu nunatsinni naalakkersuisut akornanni isumaqatigiissusiortoqarpoq immikkoortunut marlunnut aningaasaliissutinik illuartitsisoqassasoq, tassalu ilinniartitaanermut aammalu inuussutissarsiutit siuarsarneqarnissaanut. Aningaasaliissutit taakku inuussutissarsiutinik siursaavinnik marlunnik pilersitsisoqarnissaanut periarfissaqartitsilerput. Immikkoortunullu aningaasaliissutit pineqartut 2008-p tungaannaanut atuutinneqartussaammata 2007-mi suliniutinut tunngatillugu qulaajaaneq aallartinneqarpoq, qulaajaanerullu siunertaraa illut nutaaliorfiit ingerlanneqarnerini imarittinneqartut aammalu angusarineqartut nalilersoqqissaarneqarnissaat. Qulaajaalluni sulinerup kingunerisaanik aammalu maj 2007-mi isumasioqatigiilluni ataatsimiinnerup kingunerisaanik inerniliunneqartoq tassaavoq, 2005-mi anguniagassatut aalajangiussat aammalu naatsorsuutigineqartut naammassineqarsimangitsut. Anguniakkamut sanilliullugu illut nutaaliorfiit aqqissuussaaneerit aammalu ataatsimut isigalugu nunatsinni inuussutissarsiutit siuarsarneqarnissaanik suliniuteqarnerumut tapertaanerit peqataanerallu tamakkiisumik naapertuuttuusimangitsoq ersersinneqarsimavoq. Tamanna tunngavigalugu illut nutaaliorfiit aqqissuussaaneermut attuumassuteqarnerat pillugu nalilersueqqittoqarnissaa nutaamillu eqqarsartoqarnissaa pisariaqartinneqarput.

5. marts 2009
Sagsnr.

Postboks 1601
3900 Nuuk
Oq/tel +299 34 50 00
Fax +299 32 56 00
ip@gh.gl
www.nanoq.gl

Maj 2007-mili ingerlatsinermut tapiissutit eqqartorneqalerput. Tamatuma malitsigisimavaa, ukioq 2008 aallartimmalli illunut nutaaliorninnut angusaqarnissamik isumaqatigiissuteqarnerit taamaallaat ukiut affakkaartunngortinneqarneri. Pisariaqartinneqarpoq inuussutissarsiutinik nutaaliornit aaqqissuussaannerat qanoq aaqqissuuteqqinneqarsinnaanersoq nalilersoqqissaassallugu, taamaaliornikkut anguniarneqartariaqarpoq aningaasaliissutit illut marluk ingerlatsinermut aningaasartuutaannut matussutissaanerusutut ingerlanneqartussaajunnaarlugit, paarlattuanilli ataatsimut isigalugu inuussutissarsiutit ineriartortinneqarnerannut annertunerusumik atorneqartussanngornissaat qulakkeerneqartussanngorlugu.

Misilittakkat takutippaat, 2005-imiit maannamut inuussutissarsiutinut assigiinngitsunut aammalu nunap immikkoortortaasa inissisimanerannut sanilliullugu nutaaliorniarluni suliniarneq annikippallaarsimasoq. Siunissaq eqqarsaatigalugu nutaaliornierup siunertaata tamatigoornerusumik nassuiaasernerneqarnissaa. Unammisassaq tassaassaaq qulakkiissallugu, nutaaliornermut sinaakkutassatut piumasaqaatit pitsaanerpaatinneqarnissaat apeqqutaatinnagu nunap immikkoortuani sumi inissisimaneq aammalu suliassaqarfiit inuussutissarsiutillu suut siuarsaavigineqassanersut. Taamaammat aaqqissuussaannerup nutarterneqarnerani qulakkeerniarneqassaaq, nutaaliornermut nukiit atukkat nutaaliorniarluni suliniuteqartunut attuumassuteqarluinnarnissaat, minnerunngitsumillu inuussutissarsiutinik aallartitsiniartunut aallartitsisunullu, suliffeqarfinnut minnerusunut akunnattumillu angissusilinnut aammalu nunatsinni ilisimasani katersivinnut attuumassuteqarluinnarnissaat. Nutaaliornierullu iluani suliassaqarfiit aammalu namminersorlutik pisortallu ingerlataanni inuussutissarsiornermik ingerlatsiviit suleqatigiinneri imminnullu tapertariinneri nukittorsarneqarnissaat sulissutigineqartariaqarpoq.

Misilittakkat siuliani taakkartorneqartut tunngavigalugit Inuussutissarsiornermut Suliffeqarnermullu Naalackersuisoqarfik aalajangereerpoq, nutaaliornermik aaqqissuussineq allanngortinneqassasoq.

Taamaalilluni Inuussutissarsiornermut Suliffeqarnermullu Naalackersuisoqarfik siunertaqanngilaq suliata aallartinneqareersut pingaaruteqarluinnartullu unitsissallugit, taamaattorli nalilernerqarpoq anguniakkamut naapertuukkunnaartoq ingerlatsinermut tapiissutinik tunniussuinerup ingerlatiinnarnissaa, pingaartumik pissutigalugu suliassaqarfimmut aningaasaliussinnaasat killeqarnerat. Paarlattuanik qilanaarnarpoq nutaamik aammalu attanneqarluarsinnaasumik ataqatigiissaarluakkamik nunatsinnullu tamarmut iluaqutaanerusumik suleqatigiinnerup nanginneqarnissaa.

Siunissamut isigisumik suliniuteqarnerup peqatigisaanik Inuussutissarsiornermut Suliffeqarnermullu Naalackersuisoqarfiup aaljangernerup matumani eqqartorneqartup kingunerisai pillugit qulaajaaneq sulissutigivaa, tassunga ilanngullugu aaqqiinerit allat aallartinneqarsinnaanissaat pillugu misissuisoqarluni.

Naatsorsuutigineqarpoq piffissami qaninnermi suliaq taanna naammassineqassasoq taamaammallu uterfigeqqikkisussavakkit suliap, nutaaliorfinni ullumikkut ingerlasuni suliat ingerlanneqartut aammalu sulianik pineqartunik soqutigisaqartut peqatigalugit suliarineqartup, naammassinerata inerneru pillugu ilisimatitsissuteqarumallunga.

Suliniutit siunissamut sammisut

Nunatsinni nutaaliornermik suliaqarnerup siunissamut sammitinneqarnissaa qulakkeerneqarsinnaaqqullugu pisariaqartinneqarpoq nutaaliorneq pillugu politikkikkut anguniakkat nutarterneqarnissaat tamannalu tunngavigalugu Inuussutissarsiornermut Suliffeqarnermullu Naalackersuisoqarfik nutaaliornermut periaasissat nutaat tunngavilersorlugit suliamik ingerlataqarpoq. Ukiup matuma ingerlanerani nutaaliorneq pillugu takorluukkat aammalu anguniakkat tamakkiisut Naalackersuisunit saqqummiunneqassapput. Takorluukkat aammalu anguniakkat tunngavilersorneqassapput nutaaliornermut aqqissuussaanerup 2004-mili misilittagaqarfigineqarnera tunngavigalugu. Tamatumunnga tapiliullugu aallaavigineqassapput suliaasaqarfimmut tunngasut siusinnerusukkat takorluugaallutillu anguniagaasimasut. Siunertaavoq nunatsinni nutaaliornerup iluani ilisimasat misilittakkallu ataatsimut katersorneqarnissaat taakkulu sulinerup ingerlaqqinnerani nutaamik anguniagaqalerniarnermi aallaavittut atorneqarnissaat.

Nutarteriniarnermi aallarnisaanerit suliniutillu nutaat allaaserineqarnissaannut atatillugu inuussutissarsiortut namminersortut, ARTEK, Kommunit inuussutissarsiornermut qitiusoqarfii, sumiiffinni ingerlatseqatigiiffiit (destinationsselskabet), GTE, GV, aammalu inuussutissarsiornermik ilinniarfiit il.il. qinnuigineqassapput sulinerup ingerlaqqinnerani peqataaqqullugit. Pingaaruteqarluinnarpoq qitiulluinnarlunilu, pilersitsiniarnerit tunngavissiorneqarneranni ulluinnarni suliaasanik isumaginnittussat peqatigalugit suliarineqarnissaat, pilersitsiniarnerillu nutaaliornermut tapertaallutillu ataatsimut isigalugu nutaaliornermik pilersitsinerup tunngaviussapput, tamannalu ingerlanneqassaaq aningaasaliussassatut sinaakkusiussat atuuttut aallaavigalugit.

Neriuppunga siuliani nassuiaatigineqartut ilisimasaqarnerulersissimassagaatsit nutaaliornermik suliniuteqarnerit ataatsimut isigalugit nutaamik aqqissuussaalerinissaannik pisariaqartitsineq sumik tunngaveqarnerasoq, Namminersornerullutimmi Oqartussat aningaasaliussinnaasaat killeqareeqisut annertunerusumik ineriartortitsinermik siunertaqarluni atorneqartariaqarput taamaaliornikkullu ilisimasani katersiviit/ilisimasaqarfiit ullumikkumit annertunerusumik atorneqarnissaannut pikkorinnerulertoqartariaqarpoq.

Inussiarnersumik inuulluaqqusillunga
Med venlig hilsen

Siverth K. Heilmann
Naalackersuisoq/Landsstyremedlem